

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 11 JUN 2015, PUKUL 10.00 PAGI

Bil. 32

PERTANYAAN-PERTANYAAN BAGI JAWAB LISAN

1. PR-1332-L67926
Datuk Wee Jeck Seng [Tanjong Piai] minta **PERDANA MENTERI** menyatakan cara untuk meningkatkan dan menambahkan aktiviti ekonomi di kawasan Kampung Baru Cina di Semenanjung Malaysia.
2. PR-1332-L68396
Tuan Lim Guan Eng [Bagan] minta **MENTERI PELANCONGAN DAN KEBUDAYAAN** menyatakan usaha-usaha yang dijalankan untuk meningkat jumlah pelancong sungguh pun menghadapi tragedi kapal terbang MH17, MH370 dan Air Asia pada 2014 serta penculikan pelawat oleh pengganas Moro di Filipina. Apakah program yang dicadangkan dijalankan di Pulau Pinang.
3. PR-1332-L69134
Dato' Seri Tiong King Sing [Bintulu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan:-
 - (a) adakah pihak Kementerian mempunyai peruntukan khas bagi pembinaan rumah sementara untuk tempoh mendiami antara 3-5 tahun sementara menunggu Projek Perumahan Rakyat (PPR) siap sepenuhnya khususnya penempatan semula setinggan yang berbaki lebih kurang 1500 keluarga di Bintulu; dan
 - (b) apakah perancangan masa depan pihak Kementerian dalam usaha untuk menambah PPR bagi mengatasi masalah setinggan di negeri Sarawak lebih-lebih lagi Bintulu memandangkan kekurangan rumah kediaman kos rendah.

4. PR-1332-L69029
Tuan Er Teck Hwa [Bakri] minta **PERDANA MENTERI** menyatakan jumlah pelajar yang menerima biasiswa pengajian luar negara mengikut bidang kepakaran, jumlah yang tidak pulang selepas menamatkan pengajian, jumlah ganti rugi yang telah dibayar oleh penerima biasiswa mengikut pecahan bidang kepakaran setiap tahun dari 2010 hingga kini.
5. PR-1332-L68848
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan:-
 - (a) tahap dan suasana pelaksanaan GST; dan
 - (b) sebab-sebab pegawai penguat kuasa dan bekalan mesin tidak mencukupi serta usaha-usaha untuk mendepani semua kelemahan yang ada itu.
6. PR-1332-L69277
Tuan Wan Hasan bin Mohd Ramli [Dungun] minta **MENTERI DALAM NEGERI** menyatakan langkah yang diambil terhadap penyalahgunaan dadah dan jumlah perbelanjaan yang telah dikeluarkan bagi menangani musuh negara sepanjang tahun 2014.
7. PR-1332-L68879
Puan Hajah Normala binti Abdul Samad [Pasir Gudang] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah insentif yang diberikan oleh pihak Kerajaan bagi menangani kos sara hidup yang kian meningkat bagi pekerja-pekerja swasta, terutamanya golongan yang berpendapatan sederhana kerana kebanyakannya mereka ini tidak layak untuk menerima bantuan BR1M tetapi juga terkesan dengan kenaikan harga barang.
8. PR-1332-L68252
Tuan Sim Tze Tzin [Bayan Baru] minta **PERDANA MENTERI** menyatakan kadar inflasi pada bulan April dan Mei 2015. Apakah faktor utama yang menyebabkan kadar inflasi tersebut.
9. PR-1332-L68611
Dr. Mansor bin Abd Rahman [Sik] minta **MENTERI TENAGA, TEKNOLOGI HIJAU DAN AIR** menyatakan adakah Kementerian telah mengambil langkah-langkah keselamatan dalam memastikan semua empangan-empangan hidroelektrik terutamanya empangan yang sudah lama dibina melebihi 20 tahun berada dalam keadaan baik. Bagaimana keadaan terkini Empangan Pedu dan Empangan Gubir yang terletak dalam Parlimen Sik.
10. PR-1332-L69188
Dr. Haji Izani bin Haji Husin [Pengkalan Chepa] minta **MENTERI DALAM NEGERI** menyatakan apakah syarat pemberian kad pengenalan kepada warga asing dan adakah ianya mengikut SOP yang ditetapkan.

11. PR-1332-L67949
Tuan Haji Ahmad Nazlan bin Idris [Jerantut] minta **MENTERI SUMBER ASLI DAN ALAM SEKITAR** menyatakan apakah langkah-langkah yang telah diambil untuk melindungi kawasan-kawasan tadahan air.
12. PR-1332-L69112
Tan Sri Dato' Seri Abd Khalid bin Ibrahim [Bandar Tun Razak] minta **MENTERI KESIHATAN** menyatakan perancangan satu blueprint untuk mereformasi sistem penjagaan kesihatan negara agar rakyat boleh menikmati perkhidmatan perubatan dan penjagaan kesihatan bertaraf dunia pada harga sangat berpatutan seperti yang disediakan di negara Cuba.
13. PR-1332-L68220
Dato' Hasbullah bin Osman [Gerik] minta **MENTERI DALAM NEGERI** menyatakan sejak kebelakangan ini pengawal-pengawal keselamatan menjadi sasaran rompakan dan gengsterisme:-
 - (a) berapakah jumlah kecederaan yang melibatkan kematian dan cedera parah dalam tempoh 5 tahun kebelakangan ini; dan
 - (b) serta apakah usaha-usaha pihak Kementerian bagi memastikan kemalangan tersebut dapat dikurangkan.
14. PR-1332-L68627
Dato' Kamarul Baharin bin Abbas [Telok Kemang] minta **MENTERI PENDIDIKAN** menyatakan:-
 - (a) jumlah dan peratusan pelajar vokasional yang berjaya menyambung pelajaran ke peringkat tinggi iaitu di bawah Malaysian Technical University Network (MTUN); dan
 - (b) jumlah dana dan sasaran Kerajaan bagi melatih pelajar vokasional menjadi usahawan berdasarkan latihan autentik dan School Enterprise (SE).
15. PR-1332-L67526
Datuk Koh Nai Kwong [Alor Gajah] minta **MENTERI DALAM NEGERI** menyatakan setakat ini keberkesanan Jabatan Integriti dan Pematuhan Standard (JIPS) yang baru ditubuhkan dalam memantapkan pematuhan 'Prosedur Operasi Standard' (SOP) Polis Diraja Malaysia (PDRM). Apakah sistem pengukuran digunakan oleh jabatan untuk memastikan integriti PDRM terpelihara.
16. PR-1332-L69342
Tuan Zairil Khir Johari [Bukit Bendera] minta **MENTERI KEWANGAN** menyatakan sama ada Kerajaan akan mempertimbangkan untuk meningkatkan nilai ambang pusing ganti bercukai (*taxable turnover threshold*) yang kini berkadar RM500,000 setahun untuk tujuan GST bagi sektor bukan untung (*non-profit*).

17. PR-1332-L67780
Datuk Seri Panglima Haji Abdul Ghapur bin Haji Salleh [Kalabakan] minta **MENTERI LUAR NEGERI** menyatakan:-
- (a) apakah ada sebarang perundingan antara Kerajaan Malaysia dengan Kerajaan Filipina mengenai tuntutan negara berkenaan terhadap negeri Sabah; dan
 - (b) jika ada, apakah status terkini.
18. PR-1332-L68464
Tuan William Leong Jee Keen [Selayang] minta **MENTERI KEWANGAN** menyatakan jumlah pembayaran yang akan dibuat untuk menutup Syarikat MAS lama dan jumlah pampasan kepada kakitangan MAS dan pembekal.
19. PR-1332-L67717
Datuk Dr. Makin @ Marcus Mojigoh [Putatan] minta **MENTERI KESIHATAN** menyatakan:-
- (a) bilakah cadangan pembinaan medan letak kereta bertingkat di Hospital Queen Elizabeth Kota Kinabalu dimulakan dan dijangka siap; dan
 - (b) adakah pihak Kementerian bercadang untuk membina jejantas bagi menghubungkan utama hospital Queen Elizabeth dengan "TB ward".
20. PR-1332-L68120
Dr. Ong Kian Ming [Serdang] minta **MENTERI PENDIDIKAN** menyatakan tindakan yang diambil untuk membaiki Sekolah Kebangsaan Taman Sungai Besi Indah dan untuk memastikan gangguan yang minimum kepada jadual kelas pelajar.
21. PR-1332-L67550
Datuk Madius Tangau [Tuaran] minta **MENTERI PENDIDIKAN** menyatakan perincian guru-guru yang bertugas di Sabah, termasuklah asal usul mereka serta bilangan guru-guru dari Sabah yang bertugas di Sarawak dan Semenanjung Malaysia.
22. PR-1332-L68592
Puan Nurul Izzah binti Anwar [Lembah Pantai] minta **MENTERI PENDIDIKAN** menyatakan:-
- (a) senarai projek yang dibangunkan oleh Global Globe Sdn. Bhd. yang menjadi sandaran Kementerian untuk menyatakan kepakaran syarikat tersebut sebagai justifikasi pemberian projek Institut Aminuddin Baki Bandar Enstek Negeri Sembilan; dan
 - (b) laporan lengkap prestasi syarikat tersebut dalam projek-projek yang tersenarai itu.

23. PR-1332-L69461
Datuk Raime bin Unggi [Tenom] minta **MENTERI PERTANIAN DAN INDUSTRI ASAS TANI** menyatakan apakah perancangan dan usaha pihak Kementerian dalam memajukan pertanian di Parlimen Tenom.
24. PR-1332-L68283
Puan Teresa Kok Suh Sim [Seputeh] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan macam manakah Kementerian mengamalkan dasar yang menghendaki orang ramai mengasingkan sampah-sarap. Nyatakan sama ada pengasingan sampah-sarap ini dijalankan di kondominium dan cara ia dilaksanakan.
25. PR-1332-L68852
Dato' Shamsul Anuar bin Haji Nasarah [Lenggong] minta **MENTERI PERUSAHAAN PERLADANGAN DAN KOMODITI** menyatakan:-
- (a) langkah-langkah yang Kementerian lakukan bagi menaikkan harga bahan komoditi; dan
 - (b) bila jangkaan Kementerian harga getah akan kembali stabil semula.
26. PR-1332-L68702
Tuan Charles Anthony Santiago [Klang] minta **MENTERI SUMBER MANUSIA** menyatakan sebab mengapa pelaksanaan gaji minima masih belum dilaksanakan untuk tahun 2015.
27. PR-1332-L68950
Tan Sri Dato Sri William Mawan Ikom [Saratok] minta **MENTERI TENAGA, TEKNOLOGI HIJAU DAN AIR** menyatakan apakah cadangan Kerajaan bagi mengurangkan kebergantungan penjanaan tenaga elektrik daripada sumber fosil.
28. PR-1332-L69177
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan:-
- (a) tentang status warisan perkampungan Portugis di negeri Melaka, adakah ia telah diwartakan sebagai salah satu warisan negara. Jika ya, bilakah ia diwartakan; dan
 - (b) memandangkan latar belakang dan cara hidup kaum Portugis di kampung itu bergantung kepada lautan dan hasil tangkapan laut, nyatakan tindakan-tindakan diambil oleh Kementerian untuk mempertahankan perkampungan Portugis ini sentiasa menjadi sebuah kampung nelayan kaum Portugis.

29. PR-1332-L68164
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan Langkawi diisytiharkan sebagai pulau bebas cukai tetapi terdapat beberapa perkhidmatan seperti Astro, Pos Laju, Celcom, Maxis, Digi dan TM mengenakan cas GST 6% kepada pengguna di sana, namun begitu tidak pula pada bil elektrik TNB. Apakah Kerajaan bercadang untuk menghapuskan semua GST ini bagi penduduk Langkawi.
30. PR-1332-L69083
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan tindakan terhadap majikan yang menindas dan berapa bilangan tindakan undang-undang diambil terhadap syarikat tersebut.
31. PR-1332-L68149
Tuan Che Mohamad Zulkifly bin Jusoh [Setiu] minta **MENTERI SUMBER ASLI DAN ALAM SEKITAR** menyatakan mengapakah kerja-kerja membaik pulih dan mendalamkan muara-muara sungai Merang, Kampung Baru, Kampung Setiu Lama dan Setiu Baru tidak dijalankan dengan segera memandangkan Kerajaan Pusat telah meluluskan sebanyak RM10 juta sejak tahun 2014 lagi. Apakah sebenarnya kekangan dalam melaksanakan projek tersebut yang jelas merugikan rakyat tempatan khususnya bagi mereka yang bergantung kepada sungai tersebut sebagai punca pendapatan selain daripada hakisan tanah yang telah mengecilkan saiz tanah milik penduduk setempat.
32. PR-1332-L68058
Datuk Johari bin Abdul Ghani [Titiwangsa] minta **PERDANA MENTERI** menyatakan:-
- (a) berapakah jumlah lesen teksi yang telah dikeluarkan oleh pihak Suruhanjaya Pengangkutan Awam Darat (SPAD) bagi kawasan Kuala Lumpur kepada individu dan syarikat teksi sehingga 2014; dan
 - (b) apakah tindakan yang diambil oleh pihak SPAD bagi mengekang aktiviti segelintir pemandu teksi yang melanggar undang-undang seperti tidak menggunakan meter dan mengenakan caj yang tinggi kepada penumpang terutamanya pelancong asing.
33. PR-1332-L67788
Dato' Ahmad Fauzi bin Zahari [Setiawangsa] minta **MENTERI PENDIDIKAN** menyatakan di manakah institusi pengajian tinggi yang bakal menempatkan pelajar-pelajar dari Yaman yang telah dibawa pulang ke tanah air. Ini berikutan daripada kenyataan pihak Kementerian yang mengatakan pelajar-pelajar tersebut boleh menyambung pengajian mereka di Malaysia.

34. PR-1332-L68554
Datuk Ahmad Jazlan bin Yaakub [Machang] minta **MENTERI KEMAJUAN LUAR BANDAR DAN WILAYAH** menyatakan:-
- (a) jumlah rumah hasil daripada Program Bantuan Rumah (PBR) yang telah disiapkan dan kos pembinaan sejak ianya mula diperkenalkan; dan
 - (b) adakah berlakunya peningkatan nilai terhadap pembinaan rumah PBR ini dari tahun 2010 hingga sekarang.
35. PR-1332-L69005
Dr. Ismail bin Daut [Merbok] minta **MENTERI PENDIDIKAN** menyatakan adakah Kementerian akan menyegerakan penstrukturan KPM, JPN, PPD seperti dalam agenda Pelan Pembangunan Pendidikan Malaysia (PPPM) dengan mewujudkan jawatan hakiki di semua peringkat.
36. PR-1332-L68925
Tuan Haji Ahmad Lai bin Bujang [Sibuti] minta **MENTERI KEWANGAN** menyatakan untuk tahun 2013 dan 2014 berapakah jumlah peruntukan daripada Sistem Maklumat Rekod Jalan Raya Malaysia (Marris) untuk penyelenggaraan jalan seluruh Parlimen Sibuti.
37. PR-1332-L68027
Tuan Anyi Ngau [Baram] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan statistik terkini kes kebakaran rumah panjang di Sarawak di dalam tempoh 2010-2015 dan usaha pihak kementerian untuk membekal peralatan serta mendidik penduduk di luar bandar dengan kaedah memadamkan kebakaran.
38. PR-1332-L69149
Tuan Chua Tian Chang @ Tian Chua [Batu] minta **MENTERI DALAM NEGERI** menyatakan adakah polis akan menghantar waran untuk memanggil Jho Low untuk siasatan. Mengapa PDRM tidak menyiasat Shahrol Halmi, CEO pertama 1MDB untuk dakwaan salah laku bersama Jho Low.
39. PR-1332-L67608
Dato' Haji Abdul Rahman bin Haji Mohamad [Lipis] minta **MENTERI KEWANGAN** menyatakan jumlah peniaga yang telah dikenakan tindakan serta jumlah bayaran denda yang telah diperoleh daripada peniaga yang mengenakan Cukai Barangan dan Perkhidmatan (GST) yang tidak berdaftar dengan pihak kastam dan jumlah kes yang menyalahgunakan GST untuk menaikkan harga barang.
40. PR-1332-L69427
Dato' Haji Mahfuz bin Omar [Pokok Sena] minta **MENTERI PENGANGKUTAN** menyatakan:-
- (a) status dan kedudukan terkini perundingan penyelesaian di antara Kerajaan dengan Beta Tegap Sdn. Bhd. dan ATES Sdn. Bhd. dan jumlah pampasan yang bakal dibayar Kerajaan; dan

- (b) status kes arbitrase yang dirujuk oleh Beta Tegap dan ATES kepada Kuala Lumpur Regional Centre of Arbitration (KLRC); serta status rundingan pengambilalihan projek AES tersebut oleh Kerajaan melalui entiti usahasama di antara Boustead Berhad dan Lembaga Tabung Angkatan Tentera.
41. PR-1332-L67533
Dato' Seri Ong Ka Chuan [Tanjong Malim] minta **PERDANA MENTERI** menyatakan apakah kaedah dan perancangan yang telah dan akan dilakukan oleh Kerajaan untuk menolak ekstremisme dan memupuk semangat solidariti di kalangan rakyat yang berbilang kaum di negara ini.
42. PR-1332-L69152
Tuan Liew Chin Tong [Kluang] minta **PERDANA MENTERI** menyatakan:-
- (a) fungsi Bahagian Penyelidikan Jabatan Perdana Menteri; dan
- (b) apakah bahagian tersebut terlibat dalam menangani ancaman keselamatan dalam negeri dari segi pengumpulan perisikan, keganasan, ketenteraman awam dan politik.
43. PR-1332-L69355
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI SUMBER ASLI DAN ALAM SEKITAR** menyatakan rancangan-rancangan yang sedang dan akan dilaksanakan untuk membaiki pulih dan menaik taraf sistem pengairan dan saliran di Kuala Nerus bagi mengelakkan banjir berlaku.
44. PR-1332-L69472
Dato' Abdul Manan bin Ismail [Paya Besar] minta **MENTERI PENDIDIKAN** menyatakan masa depan graduan dalam berperanan sebagai penjana pekerjaan berbanding pencari pekerjaan selaras pelaksanaan Pelan Pembangunan Pendidikan Malaysia 2015-2025 (Pendidikan Tinggi).
45. PR-1332-L69030
Tuan Er Teck Hwa [Bakri] minta **PERDANA MENTERI** menyatakan bilangan rumah yang dibina mengikut pecahan projek PR1MA, rumah kos rendah, rumah mampu milik, mengikut daerah dalam negeri Johor setiap tahun dari 2010 hingga kini.
46. PR-1332-L68786
Tuan Wong Tien Fatt @ Wong Nyuk Foh [Sandakan] minta **PERDANA MENTERI** menyatakan jangkaan keuntungan syarikat swasta MyEG yang bertanggungjawab mengendali perlesenan dan apa-apa tugas Kerajaan bagi tahun 2015 dan berapakah akan dijangka dikutip oleh kerajaan persekutuan. Nyatakan keuntungan bagi setiap tugas MyEG. Adakah Kerajaan memberi peruntukan kepada MyEG setiap tahun.

47. PR-1332-L68785
Tuan Gooi Hsiao-Leung [Alor Setar] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah OKU, warga mas dan ibu-tunggal yang menerima bantuan kewangan kebajikan bulanan untuk tahun-tahun 2010, 2011, 2012, 2013, 2014 dan 2015 bagi setiap negeri di dalam negara.
48. PR-1332-L67873
Dr. Michael Jeyakumar Devaraj [Sungai Siput] minta **MENTERI DALAM NEGERI** menyatakan bilangan orang yang ditangkap oleh pihak polis setiap tahun pada tahun 2012, 2013 dan 2014. Daripada jumlah ini, berapakah bilangan orang yang direman bagi tahun 2012 hingga 2014.
49. PR-1332-L68444
Dr. Hajah Siti Mariah binti Mahmud [Kota Raja] minta **MENTERI SUMBER MANUSIA** menyatakan polisi Kerajaan mengenai pengambilan pembantu rumah asing terutamanya dari Indonesia.
50. PR-1332-L67626
Dato' Wira Othman bin Abdul [Pendang] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kerajaan bercadang untuk mengecualikan GST kepada rakyat miskin yang tersenarai dalam e-kasih. Kalau tidak mengapa.
51. PR-1332-L67597
Dato' Takiyuddin bin Hassan [Kota Bharu] minta **MENTERI DALAM NEGERI** menyatakan:-
- (a) apakah kriteria atau syarat utama Kerajaan meluluskan lesen syarikat kawalan keselamatan di negara ini; dan
 - (b) apakah bentuk tindakan yang diambil atas kegagalan pemegang lesen tersebut yang melanggar syarat yang ditetapkan.
52. PR-1332-L68069
Tuan Jeff Ooi Chuan Aun [Jelutong] minta **MENTERI KEWANGAN** menyatakan kedudukan terkini dalam rombakan dan pemulihan Syarikat Penerbangan Malaysia (MAS). Berapakah penerbangan destinasi antarabangsa yang dibatalkan serta berapakah bilangan pekerja yang diberhenti atau dikerahkan ke jabatan-jabatan lain, disenaraikan mengikut kaum, jantina dan usia.
53. PR-1332-L67892
Tuan Hee Loy Sian [Petaling Jaya Selatan] minta **PERDANA MENTERI** menyatakan kesediaan membuka kembali fail kes Altantuya atas desakan bekas Perdana Menteri dan mangsa tertuduh Sirul Azhar mengenai pihak yang terlibat dalam memberi arahan untuk kes pembunuhan tersebut.

54. PR-1332-L67829
Dato' Haji Mohd Zaim bin Abu Hasan [Parit] minta **MENTERI KEWANGAN** menyatakan jumlah hutang terkini daripada sumber pinjaman dalam negeri yang melibatkan agensi kewangan dalam negeri seperti Kumpulan Wang Simpanan Pekerja. Bagaimana struktur pembayaran balik hutang-hutang tersebut dilakukan oleh Kerajaan.
55. PR-1332-L67571
Datuk Nur Jazlan bin Mohamed [Pulai] minta **MENTERI KOMUNIKASI DAN MULTIMEDIA** menyatakan jelaskan peranan Kementerian serta Kementerian lain dalam pelaksanaan Inisiatif Data Raya/ Big Data.
56. PR-1332-L68276
Tuan Julian Tan Kok Ping [Stampin] minta **MENTERI KEWANGAN** menyatakan peralatan yang diperlukan oleh peniaga bagi membolehkan mengumpulkan GST. Senaraikan secara terperinci jenis peralatan serta perisian yang diperlukan serta setiap kos tersebut.
57. PR-1332-L67511
Tuan Khoo Soo Seang [Tebrau] minta **MENTERI PERTANIAN DAN INDUSTRI ASAS TANI** menyatakan adakah Kementerian menyemak semula sistem penyaluran subsidi padi yang lebih memberi faedah kepada petani. Dasar ini adalah penting untuk memastikan terdapat pengeluaran padi tempatan terjamin dan mempertingkatkan daya saing padi tempatan dengan padi import.
58. PR-1332-L68653
Tuan Haji Nasrudin bin Hassan [Temerloh] minta **MENTERI DALAM NEGERI** menyatakan prosedur pendakwaan yang telah dikenakan terhadap OKT sebelum Akta Pencegahan Keganasan diluluskan di Dewan Rakyat.
59. PR-1332-L68495
Ir. Shaharuddin bin Ismail [Kangar] minta **MENTERI PERTANIAN DAN INDUSTRI ASAS TANI** menyatakan sejauh manakah penambahan Pasar Tani FAMA memberi impak positif kepada masyarakat dan apakah strategi FAMA bagi memperluas pasaran ke kawasan pinggir bandar agar ia dapat pula dinikmati segenap lapisan masyarakat.
60. PR-1332-L68037
Dato' Mohd Ariff Sabri bin Abdul Aziz [Raub] minta **PERDANA MENTERI** menyatakan:-

(a) apakah nama syarikat yang mendapat kontrak mencuci bangunan FELDA pada kadar RM600,000 sebulan; dan

(b) adakah kontrak ini diberi secara tender terbuka.
61. PR-1332-L68354
Puan Teo Nie Ching [Kulai] minta **MENTERI DALAM NEGERI** menyatakan jumlah orang yang didakwa di bawah Seksyen 375A Kanun Keseksaan dan sama ada Kerajaan merancang untuk menggubal undang-undang supaya suami/isteri boleh didakwa di bawah Seksyen 375 KK.

62. PR-1332-L67973
Tuan Teo Kok Seong [Rasah] minta **PERDANA MENTERI** menyatakan:-
- (a) jumlah kos yang terlibat untuk Pilihan Raya Kecil Parlimen Permatang Pauh dan Parlimen Rompin berdasar setiap Jabatan dan agensi Kerajaan yang terlibat; dan
 - (b) jumlah anggota Polis Diraja Malaysia, pegawai SPR dan semua pegawai yang terlibat dalam kedua-dua Pilihan Raya Kecil.
63. PR-1332-L68815
Tuan M. Kulasegaran [Ipoh Barat] minta **MENTERI PENDIDIKAN** menyatakan sama ada Kerajaan berhasrat untuk mengimplementasikan polisi ajaran Bahasa Mandarin di Sekolah Kebangsaan dan Sekolah Tamil dan bagaimanakah keberkesanan ajaran Bahasa Tamil di sekolah-sekolah kebangsaan.
64. PR-1332-L68293
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI KEWANGAN** menyatakan sejauh manakah penularan skim-skim cepat kaya di dalam negara dan berapa banyak kerugian yang telah dilaporkan. Apakah langkah-langkah yang diambil oleh Bank Negara Malaysia khususnya di dalam menangani skim-skim sebegini.
65. PR-1332-L68184
Tan Sri Datuk Seri Panglima Annuar bin Musa [Ketereh] minta **MENTERI PERTAHANAN** menyatakan apakah Kementerian bercadang untuk memperbesarkan lagi Kem Desa Pahlawan di Kelantan memandangkan Kerajaan mempunyai rezab yang luas di kem tersebut.
66. PR-1332-L69272
Tuan Haji Khalid bin Abdul Samad [Shah Alam] minta **MENTERI DALAM NEGERI** menyatakan adakah kumpulan penunjuk perasaan di depan salah sebuah gereja Taman Medan Petaling Jaya akan di dakwa di bawah Akta Hasutan.
67. PR-1332-L68958
Dato' Mansor bin Othman [Nibong Tebal] minta **MENTERI KEWANGAN** menyatakan status kemajuan perkembangan MAS (Sistem Penerbangan Malaysia) selepas perantikan Ketua Pegawai Eksekutif dari luar negara. Adakah ditetapkan tempoh (time line) yang diberikan kepada beliau dalam menjalankan tugas pemulihan ini.
68. PR-1332-L68043
Dato' Dr. Tan Kee Kwong [Wangsa Maju] minta **MENTERI KEWANGAN** menyatakan apakah punca sebenar terdapat individu yang menerima BR1M menerimanya lebih dari sekali.

69. PR-1332-L69429
Tuan Manivanan a/l Gowindasamy [Kapar] minta **MENTERI KEWANGAN** menyatakan:-
- (a) berapakah jumlah perolehan dan/atau kutipan cukai GST untuk setiap hari sejak ianya dilaksanakan pada 1 April 2015 sehingga 30 April 2015. (jumlah secara satu per satu setiap hari); dan
 - (b) sama ada Kerajaan akan mengecualikan kos pendidikan dan kos perubatan serta kos barangan bayi daripada cukai GST.
70. PR-1332-L68916
Datuk Noor Ehsanuddin bin Mohd Harun Narrashid [Kota Tinggi] minta **MENTERI KEWANGAN** menyatakan apakah pelan strategik dan langkah-langkah yang dilaksanakan oleh Bank Negara Malaysia untuk mengukuhkan nilai Ringgit di dalam pasaran.
71. PR-1332-L69230
Tuan Ramkarpal Singh a/l Karpal Singh [Bukit Gelugor] minta **PERDANA MENTERI** menyatakan sama ada Kerajaan bercadang untuk memperkenalkan satu "Common Bar Course" untuk menyeragamkan kriteria-kriteria kemasukan graduan-graduan ke dalam profesion undang-undang dan meningkatkan mutu graduan-graduan tersebut.
72. PR-1332-L68243
Tuan Sim Chee Keong [Bukit Mertajam] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan status penyiasatan MyCC terhadap monopoli MyEG untuk sistem pembaharuan permit kerja dengan Jabatan Imigresen.
73. PR-1332-L68830
Dato' Ngeh Koo Ham [Beruas] minta **MENTERI PERUSAHAAN PERLADANGAN DAN KOMODITI** menyatakan jumlah dana yang diuruskan oleh Forest Plantation Development Sdn. Bhd. untuk dipinjamkan kepada pengusaha-pengusaha penanaman pokok balak dan berapakah pekerja yang digaji untuk mengurus dana ini.
74. PR-1332-L67743
Datuk Dr. Haji Abd. Latiff bin Haji Ahmad [Mersing] minta **MENTERI PERDAGANGAN ANTARABANGSA DAN INDUSTRI** menyatakan sama ada Perjanjian Perdagangan Bebas (FTA) telah membantu dalam mengukuhkan perdagangan antarabangsa Malaysia dan apakah rancangan Kerajaan dalam memastikan Malaysia sentiasa kompeten dalam merundingkan FTA yang akan mensejahterakan rakyat dan negara.
75. PR-1332-L68831
Dato' Ngeh Koo Ham [Beruas] minta **MENTERI SUMBER ASLI DAN ALAM SEKITAR** menyatakan kenapa keputusan Majlis Tanah Negara membenarkan tanah rizab Melayu dipajak kepada orang bukan Melayu tidak dilaksanakan.

76. PR-1332-L69098
Tuan Oscar Ling Chai Yew [Sibu] minta **MENTERI KEWANGAN** menyatakan berapakah jumlah cukai yang dikutip melalui GST setakat ini. Nyatakan kadar inflasi selepas pelaksanaan GST dan berapa dalam peratusan kenaikan kos hidup seharian.
77. PR-1332-L68494
Tuan Gobind Singh Deo [Puchong] minta **PERDANA MENTERI** menyatakan jumlah pegawai-pegawai awam yang telah pun ditahan dan dipertuduh untuk kesalahan-kesalahan serta hukuman yang dikenakan. Senaraikan kesalahan-kesalahan dan hukuman-hukuman dan nyatakan juga bilangan yang masih dibicarakan atau menunggu perbicaraan.
78. PR-1332-L69418
Dato' Noraini binti Ahmad [Parit Sulong] minta **MENTERI PENDIDIKAN** menyatakan sama ada kajian berkala dilakukan untuk mengukur tahap pencapaian penguasaan Bahasa Inggeris antara pelajar bandar dan luar bandar dan apakah strategi yang digunakan oleh Kementerian untuk merapatkan jurang ini.
79. PR-1332-L69318
Tuan Mohamed Hanipa bin Maidin [Sepang] minta **MENTERI DALAM NEGERI** menyatakan:-
- (a) maklumat terperinci nama, jawatan dan nombor polis kesemua anggota polis yang menangkap YB Ahli Parlimen Shah Alam pada jam 3.20 pagi di rumah beliau pada 29 Mac 2015 dan atas arahan siapa beliau ditangkap dan ditahan; dan
 - (b) maklumat terperinci nama, jawatan dan nombor polis kesemua anggota polis yang menangkap Tuan Haji Mohamad Sabu pada 28 Mac 2015 di Pulau Pinang dan di bawa ke Dang Wangi dan atas arahan siapa beliau ditangkap dan ditahan.
80. PR-1332-L67811
Datuk Sapawi bin Ahmad Wasali [Sipitang] minta **MENTERI BELIA DAN SUKAN** menyatakan jumlah persatuan belia berdaftar di bawah naungan Kementerian serta apakah langkah-langkah dirangka bagi memperkasa pembangunan belia dalam Rancangan Malaysia Kesebelas (RMK-11) dan jumlah peruntukan disediakan bagi persatuan-persatuan berkenaan.
81. PR-1332-L68668
Datuk William @ Nyallau anak Badak [Lubok Antu] minta **MENTERI KEMAJUAN LUAR BANDAR DAN WILAYAH** menyatakan apakah tindakan pihak Kementerian untuk mempercepatkan pembinaan jalan ke Ulu Skrang yang pada ketika ini adalah amat perlahan perlaksanaannya dan telah pun melebihi tempoh jadual yang sepatutnya disiapkan.

82. PR-1332-L68643
Tuan Su Keong Siong [Ipoh Timor] minta **PERDANA MENTERI** menyatakan secara terperinci jumlah terkini anggota-anggota Penolong Daftar Pemilih yang telah dilantik oleh Suruhanjaya Pilihanraya untuk membantu pendaftaran pengundi-pengundi. Bilakah Kerajaan akan melantik semula Penolong Daftar Pemilih dari kalangan ahli-ahli parti politik pembangkang.
83. PR-1332-L68547
Datuk Hajah Norah binti Abd Rahman [Tanjong Manis] minta **MENTERI PERTANIAN DAN INDUSTRI ASAS TANI** menyatakan adakah pihak Kementerian bercadang untuk membangunkan sebuah pusat menyimpan minyak (mini supply base) untuk kegunaan nelayan pesisiran pantai di Pulau Bruit memandangkan mereka sekarang mendapatkan bekalan mereka dari Sarikei yang terletak jauh dari Pulau Bruit.
84. PR-1332-L69492
Datuk Rozman bin Isli [Labuan] minta **MENTERI DALAM NEGERI** menyatakan adakah perancangan untuk mengadakan lapang sasaran menembak di Labuan memandangkan ianya satu keperluan kepada pihak penguat kuasa seperti tentera, polis, imigresen, SPRM dan sebagainya yang ada di Labuan untuk memudahkan latihan dibuat berbanding mereka keluar pulau bagi mengadakan latihan.

ATURAN URUSAN MESYUARAT DAN USUL-USUL

1. Usul dibuat oleh Perdana Menteri dan masalah dicadangkan :-

“Bahawa Dewan ini,

menyedari akan cabaran pertumbuhan ekonomi serta pencapaian sosioekonomi semasa pelaksanaan Rancangan Malaysia Kesepuluh;

merestui usaha Kerajaan untuk meneruskan Dasar Transformasi Nasional atau DTN dalam merangka dan merencana Rancangan Malaysia Ke-11 seterusnya;

meluluskan pelaksanaannya bertunjangkan falsafah Dasar Transformasi Nasional dalam ikhtiar menjadi sebuah negara maju pada tahun 2020, menurut Kertas Perintah 23 Tahun 2015; dan

Bahawa dalam meluluskan Rancangan Malaysia Ke-11, Dewan yang mulia ini menyeru agar semua pihak bersama-sama dan berusaha menjayakan matlamatnya.”

Menyambung semua Perbahasan atas masalah [10 Jun, 2015]

2. (D.R. 18/2015) Rang Undang-undang Antipemerdagangan Orang dan Antipenyeludupan Migran (Pindaan) 2015- **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (20 Mei, 2015)**

[Menteri Dalam Negeri]

3. (D.R. 19/2015) Rang Undang-undang Kebajikan Haiwan 2015 **Bacaan Kali Yang Kedua**

[Menteri Pertanian dan Industri Asas Tani]

4. (D.R. 20/2015) Rang Undang-undang Institusi Kewangan Pembangunan (Pindaan) 2015 **“**

[Menteri Kewangan]

5. (D.R. 9/2015) Rang Undang-undang Kanun Tatacara Jenayah (Pindaan) 2015 “

[Menteri Dalam Negeri]

6. (D.R. 12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]

7. (D.R. 24/2014) Rang Undang-undang Dadah Berbahaya (Pindaan) (No.2) 2014 “

[Menteri Kesihatan]

8. PR-1332-U67740

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat rungutan-rungutan di kalangan rakyat Negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke Negeri Sabah dan ditambah buruk pula dengan pemberian status warganegara kepada mereka ini. Dan mengambil maklum juga bahawa, Para Pilihan raya Umum Ke-13, Kerajaan Malaysia telah menubuhkan Suruhanjaya Siasatan Diraja mengenai dengan pemberian Kewarganegaraan kepada pendatang asing tanpa izin di Negeri Sabah. Dan mengambil maklum juga bahawa, Laporan Suruhanjaya Siasatan Diraja ini telah pun dibentangkan ke Parlimen tetapi sehingga kini rakyat masih tertanya-tanya apakah tindakan yang telah diambil ke atas hasil siasatan suruhanjaya ini. Dalam hal ini, Kerajaan hendaklah memandang serius akan kesan dan implikasi ketidakpuasan hati rakyat negeri Sabah dalam hal ini. MAKA, bagi menangani masalah ini, Dewan ini hendaklah mengambil ketetapan bahawa, Kerajaan hendaklah segera mengambil tindakan tegas ke atas mereka yang didapati bersalah dalam isu ini serta mengambil tindakan yang wajar bagi memulihkan kepercayaan rakyat Negeri Sabah kepada kesungguhan Kerajaan Persekutuan untuk mempertahankan kedaulatan negara termasuklah mengeluarkan kad pengenalan baru bagi penduduk negeri Sabah yang tulen."

[Menteri Dalam Negeri]

9. PR-1332-U67741

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kepadatan penduduk dan jumlah kenderaan yang keluar masuk ke kawasan Bandaraya Kota Kinabalu telah meningkat secara mendadak sekali. Dan mengambil maklum juga, kesesakan jalan raya ke Bandaraya Kota Kinabalu telah menjadi serius sehingga menjadi rungutan bukan sahaja penduduk setempat malah juga dari kalangan pelancong dalam dan luar negara. Dan mengambil maklum juga bahawa, seperti bandar-bandar lain yang telah membangun, Bandaraya Kota Kinabalu juga memerlukan satu Sistem Pengangkutan Awam yang efisien, seperti Sistem Aliran Ringan atau Light Rail Transit (LRT) bagi mengatasi masalah di atas. Maka, bagi menangani masalah ini, Dewan yang mulia ini hendaklah mengambil ketetapan bahawa satu system aliran ringan atau light rail transit hendaklah dibina melalui kaedah private finance initiate bagi menghubungkan Bandaraya Kota Kinabalu dengan kawasan sekitarnya."

[Perdana Menteri]

10. PR-1332-U69065

Tuan Ng Wei Aik [Tanjong] akan mencadangkan:-

"Bahawa Dewan ini mengambil ketetapan bahawa segala siasatan dan pendakwaan di bawah Akta Hasutan 1948 terhadap wakil-wakil rakyat, termasuk juga pemimpin-pemimpin parti politik perlu diberhentikan atau digugurkan dengan serta-merta selaras dengan prinsip-prinsip demokrasi yang melindungi kebebasan berucap seseorang rakyat selagi ucapannya tidak menyentuh empat perkara iaitu Institusi Raja, Artikel 152 dan 153 Perlembagaan Persekutuan berkenaan dengan Bahasa Kebangsaan dan hak-hak istimewa Melayu dan hak-hak kerakyatan."

[Menteri Dalam Negeri]

11. PR-1332-U67694

Tuan M. Kulasegaran [Ipoh Barat] akan mencadangkan:-

"Bahawa Dewan ini mengambil maklum bahawa banjir telah melanda di beberapa negeri pada baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

12. PR-1332-U68783

Dr. Tan Seng Giaw [Kepong] akan mencadangkan:-

"Bahawa Dewan ini membahaskan faktor-faktor yang menyebabkan gerakan militan di Malaysia."

[Menteri Dalam Negeri]

13. PR-1332-U68787

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan langkah-langkah untuk mengatasi pelbagai masalah disebabkan pelaksanaan GST."

[Menteri Kewangan]

14. PR-1332-U69257

Dato' Kamarudin bin Jaffar [Tumpat] akan mencadangkan:-

"Menyedari Bahawa masih terdapat lebih kurang 3,000 orang kakitangan kerajaan yang bergaji di bawah RM850.00 sebulan. Justeru itu Kerajaan diminta untuk menaikkan gaji kakitangan tersebut ke paras melebihi gaji minima negara."

[Perdana Menteri]

15. PR-1332-U69487

Dato' Kamarudin bin Jaffar [Tumpat] akan mencadangkan:-

"Memandangkan satu bencana banjir yang amat luar biasa telah berlaku pada bulan Disember 2014 di Kelantan yang mengakibatkan kerosakan harta benda yang besar dan memusnahkan sekitar 2000 buah rumah kediaman; Memandangkan bahawa bencana alam adalah tanggungjawab Kerajaan Pusat; dan Memandangkan bulan Ramadhan akan bermula pada 18 Jun 2015, maka Dewan ini mempertimbangkan dengan segera untuk memastikan Kerajaan Pusat dengan kerjasama Kerajaan Kelantan menyiapkan pembinaan rumah-rumah mangsa banjir ini disiapkan sebelum 18 Jun 2015."

[Perdana Menteri]

16. PR-1332-U67593

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat ketidak cekapan Kementerian Pendidikan dalam mengurus asetnya di mana puluhan unit kuarters di Taman Semarak, Sg Petani ditinggal terbiar, tidak didiami dan telah menjadi sarang penagih dadah. Jika aset ini tidak diselamatkan ianya akan membawa kerugian kepada Kerajaan dan maruah Kementerian akan tercemar. Tindakan serta merta mesti diambil untuk menyelamatkan aset-aset ini."

[Menteri Pendidikan]

17. PR-1332-U67594

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, kebolehan berbahasa Inggeris dikalangan pegawai-pegawai Kumpulan A, Perkhidmatan Awam Malaysia makin menurun. Pihak Kerajaan mestilah mengambil tindakan drastik bagi memperbaiki keadaan dengan memberikan kursus-kursus intensif kepada mereka. Kerajaan juga mesti memasti Pegawai-pegawai Kumpulan A melalui kursus wajib Bahasa Inggeris yang mesti di adakan di INTAN atau mana-mana institusi pengajian tinggi."

[Perdana Menteri]

18. PR-1332-U67595

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum, terdapat masalah yang dihadapi oleh pengguna kenderaan bagi mendapatkan lesen memandu bila mereka gagal dalam ujian berkomputer. Kerajaan harus mengkaji semula adakah syarat wajib lulus ujian berkomputer ini masih sesuai dan relevan memandangkan kos yang makin meningkat semasa mengambil ujian ini dan walau pun lulus ujian berkomputer kemalangan jalan raya masih tidak berkurangan."

[Menteri Pengangkutan]

19. PR-1332-U69440

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murah (cheap liquor) secara mudah dan murah yang semakin berleluasa. Gejala pengambilan arak murah ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji."

Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

20. PR-1332-U69441

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

[Menteri Dalam Negeri]

21. PR-1332-U69442

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
DR. 5	Laporan Jawatankuasa Kira-Kira Wang Negara Parlimen Ketiga Belas - Pengurusan Aktiviti Penguatkuasaan Jabatan Pengangkutan Jalan (Kementerian Pengangkutan) (Jabatan Pengangkutan Jalan)	11 Jun 2015
ST. 66	Laporan Tahunan Dan Penyata Kewangan Institut Akauntan Malaysia (IAM) Bagi Tahun 2014	11 Jun 2015

UCAPAN-UCAPAN PENANGGUHAN

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 11.6.2015 (Khamis)	1. YB. Tuan Er Teck Hwa (Bakri)	1. Rancangan Kawasan Khas Bandar Maharani Bandar DiRaja dan Pembangunan Infrastruktur Daerah Muar.	1. YB Menteri Kesejahteraan Bandar, Perumahan dan Kerajaan Tempatan
2. 11.6.2015 (Khamis)	2. YB. Tuan Dr. Michael Jeyakumar Devaraj (Sungai Siput)	2. Sengsara Kerana Van Dilucut hak.	2. YAB Perdana Menteri